

## Хөөчирин бэрсн диилвр

Юстинск района „Раздольный“ совхозин централн усадьбас хөр-гар километрт, теегт, ганцхн гер баяна. Эн герт ах хөөч Султанов Калимин бригад баяна.

Хөөчир баядг герин өөр маштг нургьта, хар-улан залу, хөөдән тоолдж зогсдадж. Манла мендлн, герүрорцхатн гив. Бичкн, цевр герт ордж ирүвдн. Үүднэс барун бийднь давхрулад хурачкн девскр баяна. Пол деер цецгрулад кесн ишкя ширдг делгата. Герин эзн залу суутн гив.

Бидн башмг-госан таялад сууцхавдн. Мана суусна тус өмн эрсд, рамкд суулгьчкн зург кевта, күндта хойр грамот өлгата баяна. Тиигад кесгтан куундцхавдн. Эн хөөч 1280 толгья ирг хярүлджанав гидж келв.

—1956 жилин үвл ик күнд болсн бийнь, хөөдән гару угагьяр авч гарвв, хөн болгьянас зурагьясн үлү 610 грамм ноос киргьдж авдн—гидж эн келв.

Үр Султанов хөөч болдж 1950 жилэс авн көдлэ. Бий деерән даадж авсн хөөдән сән идгт хярүлад, цаглань услад, чинан уга му хөөдиг талднь-ийлгьяд, шимта сән хот-хоолар тетгдж йовсн учрар хөөднь гару уга, таргын-цатхлнь.

Үвл болгын саянар хадгьлдж, асрдж, гару угагьяр хөөдән халадж йовсндан, джил болгын Кундлгьнэ грамотсар ачлгддж йовб.

Султановин хөөднь Иджлин телтр үвлзхмн. Тенд хөөчир баях дулан гер, хөд үвлзх хаша-хаац, хот-хол белн баяна. Готв Иджл гатлдж үвлзхд ачн удан. Тиигад, киитн ол

болтл ягьдж хөөдин чиня-гьинь гелго хадгьлдж, бярхин эв-аргь хөөч хаяддж айна.

—Иджл гол көрхнь ода чигн хол. Эртаснь хөөдән Иджл гатлгьдж авхин кергт паром, эс-гидж плашкоут кергта болджана. Эн хамгиг совхозин болн фермин гардачнр эртаснь, цаг тудал уга негн деернь гаргьдж, хөөдиг үвлзх газрт гаргьтха,—гидж үр Султанов келв.

—Үвлин цагт, бидн эврәннь чидлән нөл уга, сө-өдр гилго, амрдж кевтлго, арднь ордж хөөдән халадж асрх зөвтөвдн.

Совхозин хөөчир гуйр, зарм, шикр, тамк болн хувц-хунрар ик муугьяр теткднэ. Эн хаджгьр йовдл. Эн тоотиг меддж, совхозин рабкоопцааранднь иим эндү гаргьх учр уга гидж ах хөөч Султанов келв.

Хөөдәсн ноос икар киргьдж авхин, төлинь улм икдүлхин болн эрүл-дорул үвлзүлхин төлэ ах хөөч үр Таспау Хабдугалила эн социалистическ дөрлдэ кеджана. Тер дөрлдэнд кесн, күцәсн көдлмшәри үр Султанов өмн нуурт йовна.

Үр Султанов мана орн-нутгт болн газалин орн-нутгудар юн болджахиг меджәхин төлэ „Ставропольская правда“ болн „Правда“ газетст бичгдсн баяна. Болв, тер газетсинь сард нег авч ирнэ. Тегад сардан цуглрсн газетсиг умшдж халахд йир күчр болна.

Юстинск района күцәгч комитетин культурин отдел хөөчирин хошмудар кино үзүлджәх зөвтэ. Дакад совхозин партийн болн комсомольск организацс хөөчир дунд политическ болн цаялгьврин көдлмш төрүц кеджәхш. Паро-

тин Юстинск райком эн хамг эндүсиг өөрхи цагин эргид чиклдж, политическ болн культурн көдлмш делгрулх кергта.

Эврәннь цогцан хаярлл уга, хөөдин төлиг, ноосиг болн махиг икдүлхин төлэ шунмгьягьяр көдлдж, олн-амтна баядл-джиргьлиг улм саянар кеерүллгын—хөөчирин күч-көлснэ аш болджана.

Ах хөөч үр Султанов Төрскидән нилчтэ диилврмүд бярдж, Алдр Октябрин 40-ч жилин өбнин байриг тосхар шундж йовна.

А. ДЖЕВАЛДЫКОВ.